



Broj:09-20-11-2-1974

Datum: 09.12.2020. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2020.godinu, zamjenik direktora Federalne uprave policije, d o n o s i:

ODLUKU

o izboru najpovoljnijeg ponuđača za nabavku pancirnih prsluka LOT3

1. Na osnovu obavještenja o nabavci objavljenog u „Službenom glasniku BiH“, broj: 63/20 od 09.10.2020. godine proveden je pregovarački postupak sa objavom obavještenja o nabavci, u predmetu nabavke pancirnih prsluka.
2. Na predmetnu nabavku zaprimljene su dvije ponude i to od ponuđača: KM TRADE d.o.o. Visoko, Čaršijska b.b., i Danial S d.o.o. Tešanj, Trg žrtava 3 augusta broj: 1., 74 260 Tešanj.
3. Komisija je utvrdila da konačna ponuda ponuđača Danial S d.o.o. Tešanj sa cijenom od 18.900,00 KM bez PDV-a, odnosno 22.113,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku konačne ponude od 08.12.2020. godine.
4. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 1412-3-1-210-3-66/20 od 29.09.2020. godine.
5. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.
7. Za izvršenje Odluke zadužuje se Sektor za materijalno-finansijske poslove.

Obrazloženje

Komisija za provođenje postupka nabavke u skladu sa članom 8. Zakona o javnom nabavkama za 2020. godinu, imenovana Rješenjem zamjenika direktora Federalne uprave policije, broj: 09-19/1-30-2-112 od 13.02.2020. godine, postupila je shodno obavještenju o nabavci koji je objavljen u „Službenom glasniku BiH“, broj: 63/20 od 09.10.2020. godine, po osnovu čega je proveden pregovarački postupak nabavke

pancirnih prsluka. Procijenjena vrijednost nabavke za LOT 3 je 19.100,00 KM bez PDV-a.

Komisija je u toku postupka nabavke zaprimila zahtjeve za učešće u predmetnoj nabavci od ponuđača KM TRADE d.o.o. Visoko i Danial S d.o.o. Tešanj. Komisija je dana 10.11.2020. godine uputila Pozive kvalifikovanim ponuđačima da dostave svoje početne ponude u predmetnoj nabavci. Komisija je uvidom u iste konstatovala da su pristigle dvije početne ponude ponuđača KM TRADE d.o.o. Visoko i Danial S d.o.o. Tešanj što je konstatovano u Zapisniku broj: 09-20-11-2-1798 od 23.11.2020. godine. Komisija je uvidom u iste konstatovala da ponuda ponuđača TRADE d.o.o. Visoko za LOT 3 ima određenih nejasnoća i da će se iste razjasniti u toku pregovora, a da je ponuda ponuđača Danial S d.o.o. Tešanj ocijenjena prihvatljivom. Pregovori sa ponuđačima obavljani dana 26.11.2020. godine, i tom prilikom je ponuđač KM TRADE d.o.o. Visoko, obavješten da je u njegovoj ponudi za LOT 3, u skladu sa Obrascem za cijenu početne ponude-robe, u dijelu napomene, nije dostavio traženo u sljedećim tačkama: 6, 7, 8 i 9, kao ni dio u dijelu tehničke specifikacije „Naziv proizvođača i proizvoda koji se nudi“, te nije dostavio ni obavezne ateste za balističku zaštitu i za nivo otpornosti za ubode, te isti neće dobiti poziv za dostavljanje konačne ponude. Poziv za konačnu ponudu upućen je ponuđaču Danial S d.o.o. Tešanj. Komisija za provođenje postupka nabavke na sastanku održanom 08.12.2020. godine, izvršila je analizu konačne ponude o čemu je sačinjen Zapisnik broj: 09-20-11-2-1974 od 08.12.2020. godine, te konstatovala činjenično stanje, a obzirom da je za navedenu nabavku pristigla jedna formalno pravno ispravna ponuda, te da nije moguće provesti e-aukciju, Komisija daje preporuku rukovodiocu organa da donese odluku o izboru najpovoljnijeg ponuđača predmetne nabavke za LOT 3, Danial S d.o.o. Tešanj, cijena 18.900,00 KM bez PDV-a, odnosno 22.113,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa.

PRAVNA POUKA

Protiv ove Odluke može se izjaviti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik o ocjeni konačne ponude;

Dostaviti:

- ponuđačima
- u spis

